

AF

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 01 230961 23 I
Zenica, 12.03.2025. godine

 Raiffeisen BANK d.o.o. Bosna i Hercegovina			
Datum: 17-03-2025			
Organizaciona jedinica	Klasifikaciona oznaka	Redni broj	Broj priloga
4-2		10437	10437

Općinski sud u Zenici, sudija Edna Mujkanović, u izvršnom postupku tražitelja izvršenja Raiffeisen Bank d.d. BiH, ul. Zmaja od Bosne bb Sarajevo, protiv izvršenika [REDACTED] radi Izvršenje na nepokretnostima, dana 12.03.2025. godine, donio je

ZAKLUČAK o prodaji nepokretnosti

1. Određuje se prodaja usmenim javnim nadmetanjem nekretnine označene kao kč.3068 zvana Kamenjar, kuća i zgrada površine 85 m2 i dvorište površine 300 m2 i nekretnine označene kao kč. broj 3069 zvana Kamenjar, voćnjak 3. klase površine 467 m2, upisane u zkl. Ul. Broj 1121 KO Zenica II, u vlasništvu izvršenika sa 1/1 dijela, te na istoj postoji upisana zabilježba izvršenja radi prodaje i namirenja tražitelja izvršenja iz prodajom dobijenog iznosa.
2. Vrijednost nekretnins utvrđena je na osnovu Nalaza i mišljenja vještaka građevinske struke Elmana Pojskića od 21.12.2024. godine, i to nekretnine označene kao kč. 3068 u iznosu od 65.570,00 KM, a nekretnine označene kao kč. broj 3069 u iznosu od 4.670,00 KM.
3. Na prvom ročištu za prodaju usmenim javnim nadmetanjem nekretnina se ne može prodati ispod ½ utvrđene vrijednosti iz tačke 3.
4. Zainteresovani kupci nekretninu mogu pogledati svakim radnim danom u vremenu od 11 do 12 sati.
5. Na ročištu za javno nadmetanje kao kupci mogu učestvovati lica koja su do početka nadmetanja položila osiguranje koje iznosi 10% utvrđene vrijednosti nekretnine. Prije početka nadmetanja ova lica su dužna sudu predati dokaz da su osiguranje platili na račun broj 134 010 0000044837 kod ASA banke d.d. Sarajevo. Ponuđačima čija ponuda nije prihvaćena, osim za tri najbolja ponuđača, vratit će se osiguranje odmah nakon zaključenja javnog nadmetanja. Ročište za javno nadmetanje održat će i kad prisustvuje samo jedan ponuđač.
6. Ponuđač sa najvišom ponudom na ročištu plaća ukupnu prodajnu cijenu umanjenu za položeno osiguranje polaganjem cijene sudu u roku od 30 dana. Ukoliko ponuđač sa najvećom ponudom ne deponuje prodajnu cijenu u ovom roku, sud će zaključkom proglasiti prodaju tom ponuđaču nevaljanom i novim zaključkom odrediti da je nepokretnost prodana drugom po redu ponuđaču koji treba da u roku od 30 dana od dana prijema ovog zaključka sudu deponuje prodajnu cijenu. Ukoliko drugi ponuđač ne položi cijenu u predviđenom roku sud primjenjuje ova pravila i na trećeg ponuđača. U slučaju da sva tri ponuđača sa najvišom ponudom ne ispune svoje obaveze plaćanja prodajne cijene u određenim rokovima, sud će oglasiti da prvo ročište nije uspjelo i zakazati novo ročište.
7. Kupac preuzima stvarne terete na ovoj nekretnini.
8. Troškovi poreza i takse u vezi sa prodajom nekretnine plaća kupac.
9. **Ročište za prodaju nekretnina održat će se dana 09.05.2025. godine, u 11,00 sati, u zgradi Općinskog suda u Zenici, soba broj A33/III, na koje se pozivaju tražitelj izvršenja, izvršenik i zainteresovana lica kao kupci.**
10. Ovaj zaključak objaviće se na oglasnoj tabli suda, a stranka može o svom trošku zaključak objaviti i u sredstvima javnog informisanja, i sud će dostaviti Poreznoj upravi Ispostava Zenica.

Pouka o pravnom lijeku:

Protiv ovog zaključka nije dopušten pravni lijek.



Sudija
Edna Mujkanović, s.r.

Tačnost propisa ovjerava-potvrđuje
ovlašćeni radnik suda:

Alma Škopljak